

محل مطبعه و اداره :

جفـال اوغلانده امنيت

سندوغی جوارنده

شنگول يقوشنده

۲۲ نومرو

مستطابق

۱۳۲۶

اظهار :

مسلكمزه موافق آثار

جدیده مع الممنونیه

قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیات و بالخاصه احوال و مشوره اسلامیه و بحث ایرو و هفته ده بر نشر اولنور .

صاحب و مؤسساری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی

۲۰ غروش فضله آلنیر

آبونه بدلی

سنه لکی

غروش

۳۵

۶۵

ممالک عثمانیه ایچون

روبله

۳۰۵

۶۰۵

روسیه

فرانق

۹

۱۷

سائر ممالک اجنبیه

بشنجی جلد

۱۶ صفر پنجشنبه ۳ شباط ثانی ۳۲۶

عدد : ۱۲۸

تورکستان فلاکتی ایچون

مقام جلیل شیخ تپناهییدن :

« هر امر مشروع و معقولی ایفا ایتمک و هر درلو فنالقدن بجانب ایلمک اوزره یکدیگریکزه معاونت ایدیکز » مألنده اولان (تعاونو الخ) امر جلیل قرآنینه اتباع دیناً لازم اولدینی کی طبعاً لازمدر . یعنی بویله بر امر جلیل قرآنینه شرف نازل اولدیغندن قطع نظر ایدلیکی تقدیرده بیله انسانلرک بر برینه معاونته شتاب ایتلمی مقتضای طبع انسانیدر .

زیرا ؛ حیات انسانیه آنجق بو صورتله قائمدر . چونکه انسانک اسباب مدنیه و لوازم حیاتیه سی او قدر چوقدرکه بر آدهک بونلری یالکز باشنه تدارک ایده بیلمسی امکان خارجه هدر . از جمله کیدیکی البسه نک - نه قدر ساده اولورسه اولسون - وجوده کلمسی ایچون بیکرجه کیمسه لرک صرف مساعی ایلملرینه و یکدیگرینه معاونت ایتلمرینه متوقفدر . لوازم سارنده بوکا مقیاسدر .

شوالده ؛ احوال عادیه ده بیله امر تعاونک اسباب مدنیه انسانیه و لوازم حیات بشریه یه اسالاس اولدینی بلاشک ثابتدر .

احوال فوق العاده ظهورنده ایسه بو امر جلیلک بر قاندها کسب اهمیت ایدرهک لازم ماهیت انسانیه حکمنی آله جنی بیاندن مستغنیدر . بناءً علیه بویله بر حال وقوعنده بوتون انسانلرک بو امر عالی دینی و جبلی یه اتباعه بهمه حال مسارعت ایتلمی اک مقدس بر خدمت دینه واک بویوک بر وظیفه انسانیه در .

ایشته بزده بو کون بویله بر احوال فوق العاده قارشوسنده بولنیورز . اوده شو صوره ده تورکستانده سرزده ظهور اولان ترلزلات ارضیه دن یوزلرجه قصبه و قرانک خراب اولسی و بو یوزدن نیجه انسانلرک محو اولوب کیمسی و بیکرجه اهالی مسله و غیر مسالمه نک نفقه و سکناسز قالمسی و بحکمة الله تعالی بو سنه یه قدر امثالی نادراً کورلمش اولان شداوند شتاییه نک ده شو فلاکت عظما یه انضمام ایلمش بولمسیدر .

زوالی تورکستان اهالیسنک باشارینه کلان بو فلاکت عظمایی ایشیدوبده متأثر اولیه جق و یورکنده درین بر آجی حس ایتیه جک و بوی چاردرلرک معاونته شتاب ایله یه جک بر صاحب وجدان تصور اولنه ماز امید قویسنده یز . اعماق قلبمزدن کلن شو امید قوی سائقه سیله بو فلاکتزدکانک دوچار اولدقلمی آلام واضطراباتی ممکن اولدینی قدر ازالیه مدار اولق و بو صورتله بویوک بروظیفه دینیه و انسانیه ایفاسنه مباشرت ایتمش بولمق ایچون دائرة مشیخته تحت ریاست عاجزی ده « تورکستان اعانه قومیسونی » نامیله برانجمن تشکیل ایدلمش و بویابده ایجاب ایدن اعانه بیلترلرک طبعی دخی « طنین » جریده معتبره سی صاحب امتیاز و سر محرری و استانبول مبعوث محترمی حسین جاهد بک افندی حسب الحمیه فخری اوله رق درعه ده ایلمشدر .

دارالخلافه العلیه ده اولدینی کی هر ولایت ولوا و قضاده دخی نواب شرعک ریاستلری تحتیده بر اعانه قومیسونی تشکیل ایدیه جک

و بیلترلرک مقدار کافیمی مرکز خلافتده اعانه یه اشتراک ایده جک اصحاب حمیه اعطا اولنه جق و بر قسیمی ده طشره لرده مارالذکر تشکیل ایلیه جک اعانه قومیسونلرینه کوندریله جکدر .

بوتون دیندش و وطنداشلمیزک سرعت ممکنه ایله بو امر خیره اشتراکلرینک تحت تأمینه آلمسی و جمع ایدیه جک اعانه آقچه سنک پیدرپی مقام مشیخته ارسال اولنمی لزومنه دائر بالعموم نواب شرع شریفه باتلغراف تبلیغات مقتضیه ایفا ایدلمشدر .

بوتشبات خیره مزک بتون عثمانیلر طرفندن کمال شوق ایله حسن تلقی ایدیه جکی و اعتمای اعاناه شتاب اولنه جنی امید ایدر و توفیقات صمدانیه سنه و امداد روحانیت جناب رسالتپناهی یه مظهر یتیزی نیاز ایلرم .

شیخ الاسلام

موسی کاظم

آسیای وسطی فلاکتزدکانی منفعتنه

ویریلن قونفرانس

شباطک برنجی صالی کونی اقشامی دیرکلر آراسنده شرق تیاتروسنده « قریم طلبه جمعیتی » طرفندن تورکستان فلاکتزدکانی منفعتنه اوله رق بر قونفرانس ویریلدی . اولدن بری اعلان ایده کلدیکمز و جهله صراط مستقیم رساله سی ده انشاء الله بوا مر خیر ایچون دیکر بر قونفرانس ویرمه که حاضر لایمقده در .

مسامره مذکورده دن شرق تیاتروسی صالونک تماماً طولمامش اولدینی کمال اسفله مشاهده ایتدک . بویله بر امر خیره ، مسامره ده سوز آلان (حکمت) جریده اسلامییه سی محرر مقتدری حلمی بک افندی بک محق اوله رق اخطار بیوردقلمی اوزره یدیسوز بیکی متجاوز نفوس اسلامییه سی اولان استانبولک ده از یاده تهالکله اشتراکی منتظر دی . بوانتظارک بوشه چیقمسندن متحصل آلام و تأثراتمزی خلیفه ذیشان افندمز حضرتلری طرفندن فلاکتزدکان قارداشلمزه بویسیله ایله اهدا بیورلمش اولان اون بیک غروشک تبشیری ، بک چوق تقیص ایتدی . امید اولنورکه مسلمان قارداشلمز سوکیلی خلیفه لرینک کوستردیکی یولی تعقیبه کجکمز لر .

مسامره ده صره سیله مجلس مبعوثان اعضاسندن مصطفی عاصم افندی ، دارالمعلمین مدیری ساطع بک افندی ، غرته مز محرر لرندن آقچورا اوغلی یوسف بک ، مشارالیه حلمی بک ، معلم وحی بک سوز آلدی لر .

خطبه لر آره سنده حمیت و معصومیتک تمثالی اولاز بر چوجنک قالباغیله کورجی اصل زاده لرندن حسن علی بکک ولی عهد سلطنت یوسف عزالدین افندی حضرتلری طرفندن اهدا بیورلمش قیمتدار بر ساعتی مزایده یه قونهرق یکر می بش لیرا قدر اعانه طویلان دی .

مه ظنی عاصم افندی حضرتلرینک سفالت و تعاونه دائر بلیغ بر